



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Ordo faciendi Aquam benedictam.

**urn:nbn:de:hbz:466:1-41233**

## DE BENEDICTIONIBVS

## Regulæ generales.

**N**overit Sacerdos, quarum rerum benedictiones ad ipsum, & quæ ad Episcopum, suo jure pertineant; ne majoris dignitatis munera temere aut imperite unquam usurpet propria autoritate.

In omni benedictione extra Missam, Sacerdos saltem superpelliceo & stola, pro ratione temporis, utatur; nisi aliter in Missali notetur.

Stando semper benedicat, & aperto capite.

In principio cujusque benedictionis dicat:

*Vers.* Adjutorium nostrum in nomine Dñi.

*Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.

Deinde dicatur Oratio propria, una vel plures; prout suo loco notatum fuerit.

Postea rem aspergat aquâ benedictâ: ubi notatum fuerit, pariter incenset, nihil dicendo.

Cum Sacerdos aliquid benedicturus est, habeat ministrum cum vase aquæ benedictæ & aspergillo, & cum hoc Rituali libro, seu Missali.

Caveat, ne benedictionis causâ ponat aliquid indecens super Altare, veluti esculenta: sed, quod ejusmodi est, ponatur super mensam, commodo loco paratam.

Ordo ad faciendam aquam  
benedictam.

**D**iebus Dominicis, & quandocunque opus fuerit, preparato sale, & aqua munda, benedicenda in

Eccle-

*Ecclesia vel in Sacristia, Sacerdos cum superpelliceo, & stola violacea indutus, primo dicit Vers. Adju-  
torium nostrum in nomine Domini. Resp. Qui  
fecit cælum & terram.*

*Deinde, absolute incipit Exorcismum  
Salis.*

**E**Xorcizo te, creatura falis, per Deum ✠  
vivum, per Deum ✠ verum, per Deum  
✠ sanctum; per Deum, qui te per Elisæum  
Prophetam in aquam mitti iussit, ut sanare-  
tur sterilitas aquæ: ut efficiaris sal exorciza-  
tum, in salutem credentium; & sis omnibus,  
sumentibus te, fanitas animæ & corporis; &  
effugiat atque discedat à loco, in quo asper-  
sum fueris, omnis phantasia & nequitia vel  
versutia diabolicæ fraudis, omnisque spiri-  
tus immundus, adjuratus per eum, qui ven-  
turus est judicare vivos & mortuos, & sæcu-  
lum per ignem. *Resp. Amen.*

*Oremus.*

**I**mmensam clementiam tuam, omnipotens  
æterne Deus, humiliter imploramus, ut  
hanc creaturam falis, quam in usum generis  
humani tribuisti, benedicere ✠, & sanctifi-  
care ✠, tua pietate digneris; ut sit omnibus  
sumentibus salus mentis & corporis, &  
quic-

quicquid ex eo tactum vel respersum fuerit, careat omni immunditia, omnique impugnatione spiritalis nequitiae. Per Christum Dominum nostrum. *Resp.* Amen.

*Exorcismus aquae: Et dicatur sine Oremus.*

**E**Xorcizo te, creatura aquae, in nomine Dei ✠ Patris omnipotentis, & in nomine Iesu ✠ Christi, Filii ejus, Domini nostri, & in virtute Spiritus ✠ sancti, ut fias aqua exorcizata, ad effugandam omnem potestatem inimici, & ipsum inimicum eradicare & explantare valeas cum Angelis suis apostaticis: per virtutem ejusdem Domini nostri Iesu Christi, qui venturus est judicare vivos & mortuos, & saeculum per ignem.

Oremus.

**D**Eus, qui, ad salutem humani generis, maxima quaeque sacramenta in aquarum substantia condidisti; adesto propitius invocationibus nostris, & elemento huic, multimodis purificationibus praeparato, virtutem tuae benedictionis ✠ infunde, ut creatura tua, mysteriis tuis serviens, ad abigendos daemones morbosque pellendos divinae gratiae sumat effectum; ut, quicquid, in domibus vel in locis fidelium, haec unda

resper-

resperferit, careat omni immunditia, liberetur à noxa; non illic resideat spiritus pestilens, non aura corrumpens; discedant omnes infidiæ latentis inimici; &, si quid est quod aut incolumitati habitantium invidet aut quieti, asperione hujus aquæ effugiat, ut salubritas, per invocationem sancti tui nominis expetita, ab omnibus sit impugnationibus defensa. Per Dominum nostrum Iesum Christum filium tuum, &c.

*Hic mittat sal in aquam, in modum Crucis, dicendo semel: Commixtio salis & aquæ pariter fiat, in nomine Pa<sup>+</sup>tris, & Fi<sup>+</sup>lii, & Spiritus <sup>+</sup>sancti. Resp. Amen. Vers. Dominus vobiscum. Resp. Et cum spiritu tuo.*

Oremus.

**D**Eus, invictæ virtutis autor, & insuperabilis imperii Rex, ac semper magnificus triumphator; qui adversæ dominationis vires reprimis; qui inimici rugientis sævitiam superas; qui hostiles nequitas potenter expugnas: te, Domine, trementes & supplices deprecamur ac petimus, ut hanc creaturam salis & aquæ dignanter aspicias, benignus illustres, pietatis tuæ rore sanctifices, ut, ubicunque fuerit aspersa, per invocationem sancti tui nominis, omnis infestatio

immundi spiritus abigatur, terrorque venenosi Serpentis procul pellatur, & præsentia sancti Spiritus nobis, misericordiam tuam poscentibus, ubique adesse dignetur. Per Dominum nostrum &c. in unitate ejusdem Spiritus sancti &c.

*Post benedictionem aquæ, Sacerdos Dominicis diebus, antequam incipiat Missam, aspergit Altare, deinde se, & ministros, ac populum; prout in Missali præscribitur.*

*Postea Christi fideles possunt de ipsa aqua benedicta in vasculis suis accipere, & secum deferre, ad aspergendos ægros, domos, agros, vineas, & alia; & ad eam habendam in cubiculis suis, ut eâ quotidie & sæpius aspergi possint.*

*Benedictio Candelarum extra diem Purificationis  
Beate Mariae Virginis.*

*Vers.* Adjutorium nostrum in nomine Domini. *Resp.* Qui fecit cælum & terram. *Vers.* Dominus vobiscum. *Resp.* Et cum spiritu tuo.  
Oremus.

**D**omine Iesu Christe, Fili Dei vivi; benedic ✠ candelas istas supplicationibus nostris; infunde eis, Domine, per virtutem sanctæ Crucis ✠, benedictionem cælestem, qui eas ad repellendas tenebras humano generi tribuisti: talemque benedictionem signaculo sanctæ Crucis ✠ accipiant, ut, quibuscumque locis accensæ sive positæ fuerint,

disce-